

憲示 第十三號

輔政使司駱

曉諭事現奉

為

督憲札開香港義勇定期西歷是年正月二十二禮拜六日即華歷來年正月初一日由朝早十點鐘起至下午四點鐘止在昂船洲西便及西南便操演大炮爾各船戶人切勿駛近炮碼所經之處以免不虞切切特示

英一千八百九十八年

正月

十二日示

憲示 第十九號

輔政使司駱

曉諭事現奉

為

督憲札諭將港內各銀行呈報西歷一千八百九十七年十二月份發通用銀紙并存留現銀之數開示於下等因奉此合亟出示曉諭此特示

計開

印度新金山中國匯理銀行發通用銀紙二百九十九萬八千三百六十七圓

實存現銀一百五十萬圓

香港上海匯理銀行發通用銀紙五百九十四萬七千四百六十三圓

實存現銀二百五十萬圓

中華匯理銀行發通用銀紙四十四萬八千六百一十四圓

實存現銀二十萬零五千圓

共發通用銀紙九百三十九萬四千四百四十四圓

合共實存現銀四百二十萬零五千圓

一千八百九十八年

正月

十五日示

憲示 第二十號

輔政使司駱

曉諭事現奉

為

督憲札開將總緝捕官之示開列於下俾眾週知等因奉此合亟出示曉諭為此特示

一千八百九十八年

正月

十五日示

總緝捕官梅

出示曉諭事案奉

為

督憲札諭准華人於除夕元旦日等期燃燒爆竹等因奉此特按照一千八百八十八年第十三條則例酌定章程開列於後爾等凡在下列界址內外之居民須遵照所定時限燃燒爆竹毋得有違至所放爆竹或火切勿擲過人頭之上或近在人身及貼附惹火之物並須加意提防以免不測倘因不慎致罹其害則為該人是問凡附近教堂之居民於英正月廿三禮拜日即華人初二當教堂祈禱之際不准燃燒爆竹除串爆外並不得燃燒竹炮業已通飭差役人等如見有不遵示限違犯章程或票傳或拘案嚴行究罰決不姑寬其各凜遵毋違特示

計開

域多厘亞城凡在下列四圍界址包括之內者英正月廿一禮拜五即華人除夕准由下午五點鐘燒至六點鐘英正月廿二禮拜六即華人元旦准由上午八點鐘燒至九點鐘下午五點鐘燒至六點鐘又英正月廿八禮拜五即華人日准由上午六點鐘燒至八點鐘止其餘時候一概不准燃放茲將四圍界址開列如左

一 正街由海面至文咸道止 二 文咸道由正街至八號差館止
三 由八號差館直落轉入律打街落普仁街轉入新街橫過大道入和風街至海面止 四海旁由和風街至正街止 以上所開街道